

地理志輿圖疆域經緯

山川古蹟

昔先王仰觀俯察四野分疆敷水土以奠山川  
計道里而正經界凡以為斯民也宣徒泛洞度  
之舟登會稽之嶺輯玉封山後設王會之圖也  
哉溥遠居天末古稱荒服虞夏商周莫可考據  
漢唐晉宋徒事竊縻自元太弟兵跨革囊野合  
烈東道曲請而聲教始通焉邑地當孔道旋置  
旋廢幾等於無徵之杞宋明初衛縣並置土流  
兼治安海中橫袤多漢少土地既磽确幅員亦

十九

交錯夫固難以道里計雖有各山大川亦抑鬱  
於雲烟瘴雨而古迹無論矣迄夫

聖朝兩勘滇黔頻勞南顧改衛設縣事權盡一二百  
年涵濡教養昔日之椎髻披氍者咸化為衣冠  
裳帶之倫矣凡疆域之遠近山川之險阻皆求  
治者所宜講也况夫清溪白馬居然名勝曷可  
不志乎爰作地理志

卞虛

圖說

平彝亦佐地處普安羅平曲靖霑益之間土壩山尚書音義曰壩疏也初氏曰云而疏者謂之壩建治最後元興始立羅山縣于平彝

鄉設亦佐于夜苴部明洪武二十三年置平夷衛于

羅山縣故趾正德二年析曲靖衛之中左所于平彝

衛為右所以衛原部為左所指揮使與僉事領之

皇清順治十五年克滇仍名為衛罷指揮等官改衛守備

**平**年總經歷教授康熙二十六年裁衛徙曲靖府通判

駐其城三十四年合亦佐故縣為平彝縣名左所為

**勳**民安里右所為物阜里其家堡係沐氏勳莊我

二十

**轄**朝闢滇之初吳三桂鎮守雲南乞而有之附霑益州

寄莊原霑益民地並以密邇平城咸附民安里至久

安長治二里舊名海地洪武二十八年入流屬霑益

州康熙五年編甲以其地錯于衛治亦析屬焉亦佐

故名夜苴部元即其地建縣使沙蠻世領之明洪武

二十八年沙蠻以罪降縣丞入流設流官知縣典史

各一人天啟四年改築城於烏龍箐崇禎十三年土

丞沙運泰死之嗣削襲康熙八年亦佐以小縣例裁

州羅平州十三年吳逆偽設縣二十年逆平仍裁歸

羅平州三十四年合平彝故衛為平彝縣名上五營

稱

為慕風里下五營為向義里其平亦之交有霑益之  
安土羊腸三十六寨橫亘於中壤地相接因時為患  
往匕梗途頗稱未便建治之初計不及此惜哉地為  
滇之喉舌三面環夷中處安海棠窟比隣苗獯甚屬  
難治者也况乎久安長治慕風向義四里獠多漢少  
地盡官土按畊而入賦民仍往古代田之風隨畜遷  
徙視守宰之拊循為去就者有之招攜懷遠端在後  
之君子至民安物阜咸屬軍丁屯產為家依戀故土  
酷類中原傳曰有恆產者有恆心其斯之謂乎

山陰任中宜識

三

圖說光緒乙亥夏

平曠地界黔滇路當孔道毘連十一屬環迴六百里  
萬山叢擠一嶺橫擔以犬牙交錯之區號稱難治而  
縣城據形勝之地東有晴雲西有清溪南屏白馬北  
鳴丹鳳為全滇鎖鑰實六詔咽喉夫固往來者所共  
知也然其間所轄之安民物阜長治久安慕風向義  
獨丘山海各里山川之險夷道里之遠近旁通斜袤  
之紛歧設防戰守之緊要雖僻處邊邑均關圖治非  
備悉周知何以臨敵制勝故於圖治繪外不殫瑣屑  
以詳明之如由城東五里至玉真觀有居民二十餘

三二

過

家為城近關至東堡七里升官坪十里勝境關十五  
里關上有坊居民二三十家為行人中伏處此由黔  
入滇之中大路也由城西半里過茶亭坡兩山夾繞  
一丸可封為城西近關二里至清溪洞乃燕遊之佳  
境七里至揚威哨有碉樓可以瞭望十里至普濟橋  
夏秋之交淫雨汪洋行人阻滯須繞道以過之十五  
里至多羅堡已有居民百餘戶二十里至山黎哨塘  
內外路徑曲折深密二十五里至車轉灣係茶間處  
有行臺三十五里至腰站可以歇息村外里許為平  
白交界有碑此入滇之西大路也城北一帶曠野蕭

條人烟稀少離城二十里四百戶村為產煤處與霑  
益州界可以通宣威由城東北豫順橋沿河而上田  
疇平行村落稠密三十里有迤后所居民二百餘戶  
舊為產銅處五十里至教坪與普安霑益宣威交界  
為由黔入滇後路設釐卡一區由教坪折而西過縣  
屬之岔河洞上等處插白水關外二十里棠黎灣較  
中大路最為捷徑由城西北山路五里至小涼水井  
舊為紮營處八里至大滴水亂石蒼上山徑歧出此  
處兩路一路折而西十里過多羅屯二十五里至紫  
泉洞十五里至打濫碑五十里至新馬場取道曲靖

二十三

商旅多便又由打濫碑左一路朝西南而行入獨戶  
里二十五里至定南山山勢崔巍舊為沐國公紮營  
處七十里至西流水海土丞居崇山疊嶺夷民居多  
一百里至大麥塘紅土墻諸處與南霑東南路交界  
為入陸涼蒙自之便道平曠所屬除山半里孤懸於  
南霑尋馬之間海半里夾處於曲靖海子之內難以  
四至計其東西北三面所轄不出四五十里地惟南  
面所轄較遠試更為說以詳之由勝境關內南行二  
十里至鸚角嘴一帶長坪又由城南王家屯走龍海  
溝過十字路揮鸚歌嘴為入十營大路下二盤坡到

青龍河至同草埧五十里底厄勒鋪六十里為一宿  
站又由同草埧至黑稻冲到小海上一十五里崎嶇  
鳥道為十營之咽喉惜安土中橫羊場一線設縣之  
初未遑計及為憾自小海上一過羊腸營地面十里至  
竹箐坡亂山縱橫絕少村寨坡勢頗高登覽之下如  
德勝坪三棵樹等處宛在目前四十里至沙寨為一  
宿站由沙寨三十里至雞場四十里至五里坡**坡上**  
即可瞭望黃泥河一帶路經修治車馬可通非復前  
日之險阻艱難矣五十里至黃泥河為一宿站局勢  
開展水繞山環一大市鎮居民五六百家街衢齊備

二五

通黃草埧商務由黃泥河至沙營二十里古敢墩三  
十里合安邊營地有水旱十寨與貴州興義縣接壤  
為去白色入廣西之路由得勝坪小鋪子左十里至  
富村二十里至亦佐舊縣廢城一區居民數十家為  
上五營公所由亦佐縣二十里至雨得黑街四十里  
至拖足過亮口子有十八連山而黑牛一山獨高且  
峻至板橋兩山夾逼一徑潛通至魯木得則六十五  
里矣再至五樂田**土**平行到抹每共三十七里蒼崖  
峭壁一虹飛渡可稱天隙橋之外為興義地此為入  
平彝之別徑又由竹箐坡羊場地百十五里至白石

崕直下十七里至塊澤橋與卑浙廠交界為入陸涼  
蒙自之路由亦佐縣南四十里至成街七十里至泥  
樹得九十里至狗街一路斜揮抹角底菩提五十里  
均與興義界可通一路斜揮天生橋江底黃泥河塊  
澤河匯於此與羅平興義界一路西至唐家橋又一  
路由洒居西底朱家橋皆與羅平界再由小石橋東  
至阿居卡過古木底巴茅河約五十五里與普安地  
交界為入興義府路自小鋪子東行七十里至裸紅  
大了口與普安地界為入州路又如自縣城南四十  
里至大河免街過羊場營入久安里地與陸羅霑三

二十五

**在**屬交壤又自龍海溝繞白馬山脚河而下為海地再  
進為久安里上五甲漕子此皆腹內橫冲直揮四通  
八達節節可入**在**可通難以枚舉茲但即其大畧  
而說之以為往來者先容而補圖之不及云

平岡李恩光識

疆域

四至東至普安州界十五里西至南甯縣白水  
司界三十五里南至羅平州與義縣界二百二  
十里北至霑益州界二十里四隅東南與普安  
州之樂民里界一百里威舍界二百里東北與  
霑益宣威普安州三屬交壤之嘉木等處界四  
十五里西南與羅平州之東北路界一百六七  
十里又與陸涼州霑益州之下堡起等處界九  
十里西北與霑益州屬之說達界四十里四距  
西距曲靖府城一百三十里距尋甸迤東道駐

二十六

紮二百九十里距雲南省城四百一十五里北  
距京師一萬一百七十里東西廣五十里南北  
袤三百里迴環約計六百里在曲靖一府有屏  
藩之寄在全滇有喉舌之繫外控諸夷內懷六  
詔實雲南踵難第一州也

附平彝屬挿入各州縣地

山半一里二十屯地孤懸南霑馬尋之間東距  
縣城一百五十里海半一里獨處南甯縣地東  
距縣城一百四十里零星交錯距各處城池均  
未可以道里計久安西南之茂蘭等村挿入羅



平州東北路距羅平州城一百二十里東南距  
縣城七十里安邊一營挿入興義縣地距興義  
縣城五十里而獨戶一里為海土所居西北與  
南甯霑益交距南霑二城四五十里六七十  
里不等距縣城三四十里不等

附各州縣挿入縣地

霑益州之姚二場阿掌冲挿入城西六七里不  
等又沙鍋冲挿入城東北十餘里又羊場營三  
十六寨挿入縣之長治久安獨戶慕風四里地  
面距城六十里普安縣之官居六寨挿入縣東

二十七

南界距城八十里宣威州之間地一段挿入城  
東七里之東堡村羅平州之板吉等村挿入縣  
屬之則章營距城一百五十里

康熙三十四年設縣分定界趾縣東之滇南勝  
境與普安州龍家溝接壤以関為界南邪下至  
鸚歌嘴以大路為界縣屬之黃泥河鄧庄等處  
與普安威舍諸處接壤以大橋為界縣屬之安  
邊營十大寨與興義屬之封塘諸處接壤以了  
口石碑為界縣屬之東格洗上等村與興義那  
巴箐接壤以山梁了口為界永安一帶以大河

為界此縣東南交界折而西縣屬之安定阿許  
則章阿汪等營與羅平之東北兩路接壤朱家  
唐家等橋為界縣屬之上五甲何烏互等處與  
羅平卑浙接壤以土城口子為界縣屬之久安  
里與陸羅雷三屬之上下堡起接壤以上下堡  
起適中為界縣屬之獨戶里東山一帶與南雷  
猪街馬場諸處為界在縣之西縣屬之腰站與  
南甯白水司棠黎灣接壤有碑曰平白交界為  
記縣北之勳庄余家堡與雷益之說達二龍口  
接壤以川洞梁子為界縣北之四百戶屯與雷

二十八

益屬之三道箐為界縣東北之后所諸處與宣  
威之老牛場等處接壤以路為界縣屬之教坪  
與普安雷益家河等處接壤以河為界東下則  
與巒岡宣威諸山為界

山

鳴鳳山即縣城之鎮山也由宣威蜿蜒而來至  
城北五十里虎背斫幹枝中抽艮龍入首子山  
午向兼壬丙形如龍鳳飲水昔為蠻夷地名曰  
平夷鄉明弘治年由落蒙山移建衛城其岡群  
山象壑四面環拱洵一邑雄鎮也山舊無名今

始名之有記斗山在縣署後邑侯韓公禮泉因  
高築也公嘗攜余陟其巔南望諸峰羅列河流  
如帶公顧余曰昌名諸余曰昔韓文公人仰之  
如泰山北斗今公為之曷以斗山名蓋山城斗  
大亦以山大於斗也公是之山以是得名  
龍馬山一名白馬山在城南十五里高如之三  
峰峙立中峯獨勝昔有龍現<sup>馬</sup>其巔一至今石槽  
猶存鄉人結廬其上即其趾建元帝廟額曰萬  
山雄鎮麓之西蒼崖峭壁林木深茂下有清泉  
一潭不涸不溢遊山者渴欲飲尋之不遇偶得

二十九

之味極甘美崖壁上隱隱現龍<sup>形</sup>夭矯倒挂勢若  
赴飲然

巒岡山在城東十五里綿延橫亘崔巍岩峩俯  
視一切雄據萬山每當陰雨層巒疊嶂間晴光  
掩映倍覺分明

定南山在城西十里明初西平侯沐英闢滇駐  
兵其上名曰定南樹坊壘石遺趾猶存

狀元峯在城西南里許一名席帽山冠冕堂皇  
如王公大人巍然坐鎮山下有峯名曰貴人  
落蒙山在城西半里一名古城寨又曰舊城山

# 詰

元初因險築羅山縣於上

老桂山在城西十里上有雲氣詰旦視之可卜  
陰晴雨勢

文筆山在城南十里上建文筆以此得名

蒙洞山在城西北五里下有洪源洞

宣威嶺在城東十五里滇黔交界送迎盡境有  
亭曰萬里明景泰中巡撫御史洪弼立坊其際  
曰滇南勝境學道薰以仁重修黔旅至此覺山  
平路坦東望箐霧障雲天限二方也  
楊威嶺在城西七里山險箐狹中多毒蛇今無

三

大道經此歷年修治已成坦途

龍馬山在舊縣亦佐城東五里石崖壁立每遇

微雨如物蠕蠕欲動相傳龍馬出現故名

宗孟山在亦佐城東南五里夷呼山之至尊者  
為祖慕訛為宗孟

早改山在亦佐城東十五里遇旱縣人禱祈輒  
應之

矣層山在亦佐城西三里山有清泉居人皆吸  
之夷語水為矣

風火山即亦佐縣之鎮山也今更名卓爾山有

有記

# 制

捧月山在黃泥河西十里林壑秀雅山水絕佳  
春蘭秋月夏雲冬雪色色可人遙里之空青翠  
靄中虛白微露如天際間雲舒捲自若余題其  
額曰白雲在空下即白雲寺浮圖極盛  
白崖山在城南五十里山麓秀雅古木參天中  
有古制羽客黃冠藉資修持  
十八連山在向義里普只營距城一百八十里  
重岡疊嶽有嶺十八絡繹不絕其山產苦竹居  
民采筍作紙以資生活

## 三

大黑牛山即十八連山之第一峯也傑然獨冠  
諸山能出雲鬱雨祈禱輒靈歲以黑牛祀之  
募光山在縣治南八十里小溝溝側夕陽返照  
光徹行人亦長途之佳景也

筆架山亦名黑牛山在縣南一百四十里亦佐  
舊地三峰矗立形似筆架挿入天半山上有寺  
居民歲祀

棋盤山在募光山北十里其形似之相傳有仙  
人奕棋未識王質曾觀趙延曾祈否姑志之  
野鴛山在縣治南七十里方廣二十里氣勢蒼

莽魄力雄大居民祀以祈年云

羶帽山在亦佐城北十里形似之山半有村落  
二十餘家變亂時居民紮營其巔頗稱險要  
迪官山在亦佐城東四十里孤峰高聳四圍陡  
絕據險立營鄉避兵燹

沙子水井山在亦佐城南六十里其山獨高登  
其巔者謂與羅平八腊山等方圓可望數百里  
蒲蘿山在亦佐城西十里孤高獨立形似蒲蘿  
民紮營其巔

登高架在城大西門外一里高與羅蒙山齊重

三十二

九登高處也上有古松一株獨立挺秀形如張  
蓋疑為朶雲

玉人山在縣城東南五里玉真觀面前雙峰壁  
立亭亭似玉

清溪河在縣之西發源於白水司由縣屬腰站  
至多羅海落水洞伏流出城西北三里洪源洞  
南行到郭西南一里古城寨下南門河之水由  
后所繞城匯於迎鳳橋至鹽廠庄東堡河之水  
來歸赴龍海溝朝西南絕巴灣曹徐二庄之水  
望東來會隨白馬山流四十里至岩山梁子折  
而東經洞灘橋到青龍河倒西復歸南流有同  
草堤之河從平彝所諸處至縣地沫河田揮來  
入霑益羊場營順流而下至舍則有久安里之  
三入河由西而來縣屬之一字河由東而至經


三三

河

天生塊澤唐家朱家等橋順勢直趨歸入羅平  
江底與黃泥河之水匯自三入河下至江底此  
羅平平彝之接壤以河為界

黃泥河在縣之東南發源於貴州普安廳資母  
憂老紙廠等處伏流由樂民里湯嶂噴發下羊  
橋嚮水行巴茅河有縣屬海水潮七寨半豐約  
等處山谿之水流入黃泥河上又有白雲寺前  
蒲織一河會於黃泥河折而西為熱水塘大寨  
又有五樂之水從北而來附之過此經抹閣菩  
梯等橋亦至羅平江底與塊澤河之水殊途同

歸入八達河走廣西泗城府匯紅水江而入南海矣自黃泥河上為普安平彝交界至黃泥河下為興義平彝交界滇黔兩地以河為限



平彝



川

清溪河見前水色常渾鮮潔居人因此卜年  
塊澤河即清溪河下流穿崖走峽舟楫莫通  
以則江在以則坡下與清溪塊澤一河各處稱  
謂似殊也

多羅海在縣西七里遇霖雨則泛汪洋若海  
滇人鮮見江河見陂澤瀦水處即呼為海亦夜  
郎自大也

十里河在城西南**二**百里與清溪河水匯  
黃泥河見前四時水光常黃目為小黃河

三五

生

蒲纖河在亦佐城東南九十里白雲寺山下中  
**生**九節菖蒲其狀如龍又如織成屈曲迴環盤  
繞水面東流入黃泥河

南門河城南半里源來馬場口始由南門坪子  
直流光緒己丑知縣韓再蘭改從山脚順流環  
繞縣城如帶直入清溪河迎鳳橋上匯歸馬房  
冲河在城西關外源狹流促秋夏谿水暴漲急  
流如注與南門河同歸清溪河

東堡河在城東七里源發村外相云出水處有  
九十九竅蓋源廣流促不數里至鹽廠庄即入

清溪河

同草堤河在城南五十里源出普安平彝里上入縣地五十里至沫河田下與清溪河匯流一字河在城南一百里白石崖對面源出竹箐坡腳西流十餘里為羊場營與縣交界地至天生橋上流匯

三义河源出九安里經羊場營河西地流至天生橋挿入

張家庄河源出曹家庄經徐家庄至張家庄流入清溪河距城二十里

三十六

五樂河在黃泥河西二十里源出哺米由曼那至沫角流入黃泥河下

土橋河在黃泥河東三十里源出縣地河頭起獅子山由古木至黃泥河上流挿入

嚮水在清溪河下城西南十五里兩山狹逼一水中流具有平峽之險聲勢奔騰如十萬軍半夜潮

乾河源出盧家漕子余家老廠等處走拖

形勢

舊志云神馬擁前翠屏列后清溪環流蒼崖峭  
立黔界所分滇疆首邑

白馬屏開清溪環繞重關深鎖門戶全滇  
襟山帶水水繞山環居高臨下觀水知山

竹虛

險要

附

舊志云地故遐荒壤屬夜郎西通滇戶東鎖黔  
關南連安夷北距苗疆千山攢聚一線羊場滇  
之喉舌也

崇山峻嶺羅列東西清溪黃泥合抱左右因險  
抱要可戰可守

宣威一嶺綿亘縣東直抵興義三百餘里屏蔽  
曲靖隔絕黔西洵滇南半壁也

東有勝境豫順之阻表以宣威巒岡之峻絕西  
有山黎揚威之險帶以清溪白馬之雄而茶亭

全

一關猶具函谷之勢真金鎖  
塊澤坡在亦佐城西十里山崇坡陡紆迴盤屈  
徑畫之字成鳥形故名其巔為鸚鵡嘴亦佐知  
縣邢偉作亭於上題曰若凌霄漢後人避兵紮  
營其處亦名蒲蘿營

以則坡在亦佐城南一百二十里山峻而險其  
上或蹲或眠如人物狀者不可勝記其山產蘭  
四時幽香不絕亦荒服勝概也

五里坡在黃泥河北五里陡峻難行知縣任中  
宜督工治平可通輿馬今為樂善者甃以石行

三八

旅稱便

牢

茶亭坡城西關外半里迎處也兩山逼狹中通

一線坡似博望關擬虎牢余曾題曰一丸

竹箐坡在亦佐縣北二十里坡不陡而長路不  
險而激漸加修治輿馬可通

小溝溝坡在縣城七十里長十里崎嶇鳥道日  
之既夕人困馬乏每苦其難坡盡處茅屋數椽  
暫歇行旅為下十營入城必由之路

長坪梁子在城東南二十里長二十里路平天  
潤松陰夾道濤聲盈耳不于于亦忘其倦也

# 叢

二盤坡在城南三十五里陡險與五里坡等昔  
日王尊之叱王陽之畏恐莫踰其險也  
五里墩在城南十里崇山峻嶺亞於白馬但不  
似二盤五里之險絕也  
天生橋在亦佐舊城西北二十五里懸崖峭壁  
鳥道懸塊存巨石天然結構雄關阨要疑如  
飛渡塊澤橋在亦佐舊城西二十里羅平分界  
處兩山壁立一關阨險丸泥可封  
滇南勝境關在城東十五里滇黔分界處一關  
扼要丸泥可封

三九

豫順關在城東五里兩山逼夾一徑遙通

古迹

清溪洞一名三台洞在城西二里西面繞清溪中  
宵十餘里與紫泉洞通苙火入之有浮屠龍象  
芝朶雲英亭臺鍾鼓之屬皆石乳溜結而成騷  
人逸士游觀之所昔有清泉從洞中出可以流  
觴道光年間忽發大水傾圮佛座泉由此絕亦  
觀覽之憾事也余題其額曰清泉在山  
仙台洞在縣西三里石床石**帳**天然位置窓櫺  
畢具夕陽反射俯瞰洪源水色山光互相掩映  
若聚一樓樵者聞有奕棋聲

四十

洞

桂花洞在城西北十里洞穴邃幽昔有百尺大  
桂根盤洞底枝出洞外秋華時香散他山今無  
紫泉洞在清溪洞山后穴與清溪洞通洞口寬  
廠有台數層石乳結成一同清溪有水曲折盤  
流可以觴詠

獅子洞在城南十里水從洞出波光蕩漾上下  
相映可舟可漁

釣

三門洞在城西北三十里平列三門宛然儀署  
洪源洞在城西北三里與仙台洞隣清溪河源  
發此洞門高廠波平浪靜可釣可漁

天生洞在亦佐故縣西北二十餘里塊澤河之水由此經過中有石田經界分明兵燹居民避難常住可容百餘家吸飲便之

天生橋下即天生洞兩山夾流舟車莫濟不知

何年徒然一巨石橫空飛來塊存其上真天造

地設也半腰石洞在橋西一木橫空可住數十人再伏行數武架木為樓可住仙人三兩

韜光洞在亦佐城東半里不知深遠豈火照入

中有天生石橋一座左右有潭橋盡處平廠可

容數十人疑有幽人隱處知縣程封題曰韜光

落水洞在城西北十里有竅九十有九水從竅

四十一

沒出洪源洞

嚮水洞失里趾源自白水有深潭天生石渠

牛鼻洞在城西十里天生層樓懸長索始克登

焉癸亥狃變邑人避兵多獲全

天井在城西古城山東岩壁下倚石俯瞰水光

射目投石鏗然有聲

地牢在古城山南儼然石室寬廠可容數十人

相傳土酋拘罪人處

巖阿在城西七里楊威巖路側石竅天生攀躋

莫及有石像佛居民祈嗣頗著靈應因巖梯路

建閣供之若凌霄漢名曰觀音閣

雙碧潭在城東半里水光潏灩晴偏好三月三日天氣清遊人修禊處也

鯉魚潭在清溪洞上天將雨則水渾既雨晴亦佳

黃龍潭在城東巒岡山下深不可測旁有古樹上棲錦禽一對葉落潭內即啣之可謂有龍居古城潭在古城山西一泓清水可鑑臣心珍珠泉在狀元峰下泉微溫村居資灌溉湧出如明珠累累成串又形似葡萄成枝一名葡萄

四十二

泉一在王家屯坪子視此稍次之

溫泉在塊澤橋上流濱河春夏之交天朗氣清兩廠士女麗服滿汀相携酒肴臨風擲沐以為修禊之所惟鳥道崎嶇不便車馬遊人憾焉鳳食堆在城南案山上黃白兩堆彷彿似之



景致此為平彝八景

滇南勝境亦名石龍古寺在城東十五里中有  
石如龍明萬曆二年作石龍寺前列一亭名曰  
萬里后燬於兵康熙三十四年總督王繼文即  
亭故趾治屋三楹施茶濟渴龍沒土中四十八  
年方伯李公華之捐金更新石龍復見明年春  
大中丞郭公瓌見之曰此虬也非龍也因更名  
石虬亭山界滇城嶺劃黔疆煙雲靉靄金碧曠  
朗帘影風翻松濤振響地盤石龍劫殘空王塵  
勞暫息行客徜徉

四十三

東嶺晴雲嶺橫縣東山宿霾雲形勢遼廓迤邐  
蜿蜒跨城帶郭蒼狗變幻娟秀如濯可卜陰晴  
嵐光綽約

巒岡翠竹在東嶺深處去縣十五里綠筠叢生  
簇崖穿石陰翳蔽天葱蔚籠日微雨輕風敲金  
戛玉宜詩宜酒可詠可築

宣威曉月在縣東十二里宣威嶺下潭擴數畝  
水深十尺朔望陰晴見月如如璧曙雲曉星愈  
湛圓光含玉孕珠夜色蒼忙

玉真仙橋在東關外大礮上二里許雨後平明

雨

有仙人足印邑人奇之橋架飛虹溪流清潔驟  
雨如注瀉下真仙往矚其處足跡宛然

白馬留泉在白馬上相傳白馬仙駒飲泉處  
也石自成池廣不盈大中涵清泉不涸不漲甘  
冽異常永留仙嶂

象壑秋潮在城南里許胡麻橋下洪潦既盡山  
谿時流漲滿平田宿鷺浮鷗噴薄盤旋浪鼓清

秋山谷幽迥響答松楸

清溪仙洞在城西二里洞去清溪白尺石室凝  
雲外殿內深煙蘿挂壁乳滴苔浸奇形怪狀雕

四十四

鏤難名杳不可測宛住仙靈

附亦佐縣八景

烏龍密箐在亦佐城北五里盤旋屈曲載飛載  
潛時有雲氣微挂其間

札村松韻在亦佐城西北十五里茅屋傍山炊  
烟濕露響徹松濤幽人獨寤

塊澤漁歌在亦佐城西十五里春波秋月漁簑  
牧笛行歌互答籟音空寂

天生古洞在亦佐城西北二十餘里塊澤河流  
經此而出內甚寬敞乳穴堆雲豁窅突兀鬼斧

木木

窈

神工鑿成仙窟

東流西水在亦佐城東七里倒飛瀑流清而潔  
珠簾霧捲天青雲白

矣層名山在亦佐城西門外山鍾神異歲時告  
處五風十雨民以有年

夜月明潭在亦佐城東門外一水一月含光湛  
澈窈黑蛟宮皎然兔魄



四十五